

## ITEM LIBER

### CONTRA OBJECTIONES FREDIGISI ABBATIS.

I. Reverentissimo ac beatissimo domino et patri  
**Fredigiso abbati.** Dudum modestiae vestrae benignitas aduersum nos, peccatis nostris exigentibus, mota, talibus nos invectiveibus perculit, quæ lenitatis ac sinceritatis vestrae modum excedere viderentur, nisi in refellendis nobis tali redargutione uteremini, quæ verbis tantum a vobis proferretur, corde tamen non approbaretur. Nam si illa omnia quæ aduersum nos protulisti, et ex parte finxisti, ita a vobis sensa essent ut prolata sunt, non solum modestiam vestram transgrederemini, verum etiam veritatem offendeteris. Et idcirco, sapientissime vir, si dignatur admittere magnitudo vestra, nitimur nos per has litterulas purgare ab illis criminibus, quæ aduersum nos in vestris litteris exarata reperimus. Recordari dignamini litterarum vestrarum, quas tunc aduersum nos novissime dedisti; et cognoscite contra quæ crimina nunc respondere curamus.

II. Scipsistis igitur in praesatione dicentes : « Si ad omnia quæ in vestra dilectionis chartula scripta reperimus, respondendum judicaremus, non tantum chartulae, verum prolixioris libri modum excedere videremur. Sed quia compendi causa, pauca ex plurimis summatim attingere liboit. » Ex quibus verbis vestris appetet omnia vos illa reprehendisse quæ in nostra chartula scripta reperistis. Sed qui omnia reprehenditis, nihil laudatis; cuncta refellitis, nihil recipitis; quam juste hoc faciat, ex istis perpendite quæ compendi causa summatim attigistis. Quia si ista tam injuste reprehendistis, quanto injustius illa quæ reliquistis? Et primum quidem de his quæ vobis attingere libuit, assumitis refragandam nostram sententiam, qua diximus : « Qui enim vere humiliis est, abjecta de se sentit; et qui abjecta de se sentit, errasse se non dubitat. » Quam sententiam ut veram non esse ostendere videamini, probatis Dominum Iesum Christum vere humilem fuisse, et dicitis : « Quia vere humiliis erat secundum nos, abjecta de se sentit, et errasse se non dubitavit. » Quod quam calumniose a vobis dictum sit, quæsumus dignamini perpendere. Quis enim fidelium ignorat quia nec nos debemus unquam, cum de abjectionis humilitate et peccati confessione loquimur, quæ vera in omnibus procul dubio esse debent, Do-

A minum nostrum Jesum Christum cæteris hominibus permiscere; nec vos debuistis pro eo quod Dominus Jesus Christus abjecta de se non sensit, et errasse se nunquam cognovit, cæteros homines ab humilitate abjectionis peccati confessione defendere in tantum, ut ex hoc probare velitis, sicut in vestris appetet litteris, nullum vere humilium abjecta de se sentire, nullum se peccatorem fateri debere.

III. Nempe, o venerabilis magister, putabat ac putat nostra insipientia quia cum de talibus rebus loquitur homo, non debet Dominum nostrum Jesum Christum cæteris aggregare hominibus: quia humanitas quæ a Verbo assumpta est, quanquam habeat naturam nostrorum corporum, non tamen habet originem. Nos enim humano semine coagulamur, ille de Spiritu sancto natus est: qui etsi homo factus est propter nostram salutem, Deus tamen esse non desit; qui licet homo verus sit, verus tamen et unus est Dens cum Patre et Spiritu sancto. Illa namque humilitas, qua Dominus noster Jesus Christus, cum in forma Dei Patris esset, semetipsam exinanivit ut formam servi acciperet, inclinatio fuit miserationis, non evaeuatio potestatis; qui etsi abjecta passionis pertulit, tamen Deo Patri sequalem se esse innocentia. Aequalis omnino est Patri, non minor est gloria, non posterior tempore, non inferior potestate: qui propterea factus est homo, non ut erraret, sed ut erraticam ovem inventam humeris suis gestaret, et ad dominum cœlestis patricem, ad paternam scilicet visionem perduceret. Et idcirco non est consequens, imo valde injustum est, ut cum quis ea quæ hominum sunt vere loquitur, alter Dominica comparatione evacuet. Iterum atque iterum dicimus, quia pervicacis hominis est Dominico exemplo impugnare ea quæ de puris hominibus veraciter dicuntur, quorum nullus existit sine peccato, sicut scriptum est: *Non est justus quisquam qui faciat bonum et non peccet.* Et iterum: *Nemo mundus a sorde, etiam si unius dici fuerit vita ejus super terram.* De Domino Apostolo Petrus testatur, dicens: *Quia peccatum non fecit, nec inventus est dolus in ore ejus.* Nunquid quia hoc verum est, propterea hoc verum non erit illud quod Paulus ait: *Omnies enim peccaverunt, et eagent gloria Dei?*

#### BALUZII NOTÆ.

« *Fredegiso abbati sancti Martini Turonensis post Alcuinum;* cuius fuerat discipulus, ut patet ex vita Alcuini. Fuit etiam cancellarius Ludovici Pii imperatoris. Varie autem scribitur nomen ejus. Hic enim, itemque in precepto ejusdem Ludovici pro Hildegaldo episcopo Matisconensi, vocatur Fredegisus. In Testamento autem Caroli Magni apud Eginhardum vocatur Fridugisus, et quidem rectius, ut opinor. Nam sic quoque nominatur in præceptis Ludovici Pii pro ecclesia Parisiensi, itemque in præcepto

ejusdem principis pro ecclesia sancti Lamberti Træctensis, quod editum est in tomo primo Historiae Episcoporum Leodiensium, pag. 154, ac denum in ejusdem Ludovici præceptis pro monasterio Arulensi in diœcesi Helenensi et pro monasterio sancte Gratæ in diœcesi Urgellensi. Fregedis tamen, quod idem est ac Fredegisus, vocatur a Theodulfo episcopo Au-relianensi, ex quo etiam discimus diaconum fuisse. Vide Sirmondum in notis ad Theodulsum, pag. 292.

IV. Quia dicitis, « His bene perspectis, apparebit hanc vestram non esse veram ratiocinationem, » hæc qualiter dixeritis estimare non possumus; affirmare tamen audemus quia qui hanc ratiocinationem veram esse negat, necdum cognovit quemadmodum eam oporteat scire. Quid ergo est quod Apostolus, dum de Domino loqueretur, dicens: *Qui cum in forma Dei esset, non rapinam arbitratus est esse se aequalē Deo, sed semetipsum exinanivit, formam servi accipiens, præmisit: Hoc sentite in vobis, quod et in Christo Iesu (Philip. 1, 5-6).* Et paulo ante dixorat: *Nihil per contentionem, neque per inanem gloriam, sed in humilitate superiores sibi invicem arbitrantes (Ibid., v. 3).* Si verum non est ut is qui vere humilis est abjecta de se sentiat, quare Abraham cum Domino loquens, cinerem se pulveremque fatetur? Moyses quoque non se esse eloquentem testatur, et ex quo ei Dominus loqui cœpit, impeditorem et tardiorem se esse linguan dicit. De se quoque et Aaron ad populum ait: *Nos enim quid sumus?* Gedeon etiam, quem angelus fortissimum virorum appellat, ille e contrario tam abjecta de se sentit, ut se minimum in domo patris sui dicat, et familiam suam inūbam in Manasse. Saul quoque cum pene his verbis de minima tribu esse se diceret, et in eadem tribu minimum se recognosceret, ita ut indignum se regio honore fateretur, in regem electus est. Unde Dominus ei loquitur: *Cum essem parvulus in oculis tuis, caput in tribibus Israel factus es.* David quoque (de quo Dominus loquitur, *Inveni virum secundum cor meum, quia vere humilis erat*) tam abjecta de se sensit, ut non solum ad regandum indignum se esse testaretur, verum etiam gener fieret regis; qui postea de ipso clamat ad Saul: *Quem persequeris, rex Israel? canem mortuum, et pulicem unum.* Sicque persequi conqueritur, quasi si persequatur perdix in montibus. Postea vero cum esset in magna regni gloria, nullumque adversarium patueretur, ait: *Ludam, et vilior fiam plusquam factus sum, eroque humiliis in oculis meis.* Et iterum: *Damine, non est exaltatum cor meum, neque elati sunt oculi mei, neque ambulavi in magnis, neque in mirabilibus super me, et cetera.* Errasse se quoque non dubitavit, quia sepissime non solum errores suos confitetur, sed etiam iniquitates, peccata, delicta, scelera, infirmitates quoque, et turbationes, timorem, ac tremorem, anxietatemque cordis: quorum omnium testimonia si ponere voluerimus, prolixi operis series ordinabitur.

V. Vos dicitis quia non est vera ratiocinatio, ut qui vere humilis est, abjecta de se sentiat, aut peccasse se indubitanter credat. Nos vero e contrario per hanc ratiocinationem omnes sanctos in suis precebus a Domino exauditos esse novimus; sicut Daniellem in suam exomologesin, ubi confitebatur non solum peccata sua et peccata populi sui, verum etiam peccata regum ac principum, vel sacerdotum. Tres etiam pueri in camino ignis clamabant in veritate et iusticio: *Induxisti omnia haec propter peccata no-*

*Astra. Peccarimus enim, et inique egimus, recedentes a te. Dominus quoque in Evangelio testatur publicanum qui ascenderat cum Pharisæo in templum ut oraret, idcirco justificatum descendisse in domum suam, quia abjecta de se sciens, a longe stabat, et nolebat nec oculos ad cœlum levare; et peccasse se non dubitans, percutiebat pectus suum, dicens: Deus, propitius esto mihi peccatori. De centurione quoque quare Dominus ait quod nec in Israel tantam fidem invenerit, nisi quia idem centurio abjecta de se sentiens, et alta de Domino sapiens, semetipsum, ut ait, indignum arbitrabatur ire ad deprecandum Dominum ut sanaret puerum ejus, sed potius amicos suos misit, et iterum per internuntium mandavit Domino, dicens: Domine, non sum dignus ut intres sub tectum meum. Mulier vero Chananea, cui Dominus clamitanti respondit, Non est bonum sumere panem filiorum et mittere canibus, statim consentiens, ait: Etiam, Domine: nam et catelli edunt de misericordia tua de mensa dominorum suorum. Et idcirco audire meruit: O mulier, magna est fides tua.*

VI. Quod si aliquis objeccerit nobis verba justi vere humiliis dicentis: *Non peccavi, et in amaritudinibus moratur oculus meus (Job xvii, 2).* Et iterum: *Hec passus sum absque iniunctitate manus meæ: audiat rursus eumdem justum humiliiter confidentem: Peccavi. Quid faciam tibi, o custos hominum?* Et iterum: *Quantas habeo iniquitates, peccata, scelera, atque delicta, ostende mihi (Job xiii, 23).* Et iterum Scriptura dicit quia is quem Deus propterea flagellat, ut doloribus eruditus abjectionem et peccata sua recognoscatur, respicit homines et dicit: *Peccavi, vere deliqui, ut eram dignus non recipi.* Quare ergo vos dicitis non esse verum, ut vere humilis abjecta de se sentiat, aut peccasse se credit, cum apertissime patet hoc proprium esse sanctorum, non superborum? Cur Joannes apostolus ait: *Si dixerimus quia peccatum non habemus, ipsi nos seducimus, et veritas in nobis non est.* Si vero confitemur delicta nostra, fidelis est, et justus, ut remittat nobis peccata. Qui si secundum vos magna de se, non abjecta, sentire voluisse, habebat unde gloriaretur, quia et supra pectus Domini recubuit: et praeterea discipulis ab illo dilectus est. Jacobus quoque apostolus ait: *In multis enim offendimus omnes.* Quæ si quis putaverit non veraciter, sed tantum humiliiter dicta, non verit se in hoc sensu Pelagium sequi; et propterea, si corrigi vult, legat libros beati Augustini contra Pelagianistas, et sciat omnes sanctos veraciter se de peccatis accusasse, ita ut necesse habeant pro se ipsis dicere, *Dimitte nobis debita nostra.* Sed de his quanta dici possunt, vos nosse non ambigimus.

VII. Dicitis etiam tota vos intentione divinam scripturam cum editoribus, interpretibus atque expiatoribus suis ab imperiis nostræ calumniis defendere. Ad quam rem non respondebimus vobis, quia sicut de quibusdam dicitur, *illic trepidaverunt timore, ubi non erat timor,* ita et vobis dici potest: *Illic tota intentione paravit defensionem, ubi nulla erat*

omnino necessitas defensionis. Quis enim de nobis calumniatus est unquam editorem aut interpretem aliquem divinarum Scripturarum? Dicitis reprehendisse nos apostolos et interpretes, quos tantum putabamus unquam reprehendendos, quantum nunc putamus veritatis vituperatores laudandos. Diximus namque quia interpretes divinorum voluminum vel expositores non curarunt omnino tenere indeclinabiliter regulam grammaticæ artis; quod utique neque imperitia, neque malitia fecerunt, sed ratione descendensionis; ut sicut usus sanctæ Scripturæ est verbis descendere humanis, quatenus vim infabilis rei humano more loquens, ad notitiam hominum duderet, et mysteria insolita solitus ostenderet rebus; ita et interpretes ejus eam sequendo, illud studuerunt summopere transferre, unde manifestorem sensum legentibus præberent, etiam si contra grammaticam esset eatenus, ut sacramento rei concordaret. Et ita hoc ad nostram sumpsimus defensionem, ut sicut illos qui poterant, si voluissent, omnia secundum disciplinam grammaticam proferre, sed ut nobis condescenderent, et simplicitatem veritatis non desererent, non sunt veriti aliqua contra eamdem disciplinam loqui, reprehendere nullus debet; ita nobis omnino debet parcere, qui etiamsi velimus omnia secundum grammaticam loqui, non possumus, si tamen fidem rectam et sensum catholicum tenemus, in hisque verbis quibus possumus dicimus, sicut et vos <sup>a</sup> testimonio Prisciani ostenditis, qui dixit: « Nihil enim ex omni parte perfectum in humanis credo esse inventionibus posse. »

VIII. Assumpsistis grandem laborem, non necessarium, quasi defendentes evangeliam, vel interpretem, quod non frustra vel evangelista ediderit vel interpres transtulerit plurali numero sanguines, secundum quod certa ratio postulavit: quam rem non solum non reprehendimus, sed neque ab impiis audivimus unquam reprehensam. Et cum in hac defensione tantopere laboraveritis, nihil nobis vestro labore innotuistis. Jam enim legeramus sanctos doctores ita exposuisse, quod interpres ideo plurali numero sanguines in hoc loco transtulit, quia sensum evangelicæ, quem ille in Græco edidit, hoc in Latino transferre aliter non potuit; non sicut vos dicitis propterea fecit, quia in Græco pluraliter inventit. Nam sunt multa nomina quæ in Hebreo vel Græco alterius generis aut numeri esse inveniuntur, non ejus cuius sunt in Latinum. Nec tamen interpres eodem genere quo invenit, transferre curavit, quia nulla necessitas compulit. Sicut, verbi gratia, *Spiritus* apud Hebreos, genere dicitur feminino, et cum sit in Latino generis masculini, nullus interpretum Hebraicum sequens genere feminino in Latino ponere tentavit, etiam cum necessitas posceret. Nam invenitur in Scripturis ubi *Spiritus sanctus*

BALUZII

<sup>a</sup> *Testimonio Prisciani*, insignis grammatici, qui manibus eruditorum hominum maxime terebatur per eas tempestates. Hunc porro locum laudat etiam

A per genus femininum significatur, nec tamen a Latinis feminino genere dicitur. Peccatum quoque in Hebreo generis masculini est, in Græco feminini, in Latino neutri; et cum in Scripturis multis rebus significetur, nullus tamen Latinorum genus ejus mutavit, quia nec aliqua utilitas postulavit. Hæc idcirco diximus, quia vos dicitis propterea interpretem sanguines plurali numero transtulisse, quia apud Græcos pluraliter effertur; cum non ita sit. Sive interpretes, sive expositores divinorum eloquiorum, ut integritatem sensus ostenderent, contra grammaticam loqui non timuerunt: quos non solum non reprehendimus, verum etiam per eos a reprehensione defendi cupimus. Quia sicut illi laudandi sunt in verbis contra grammaticam prolatis, ita nos tolerandi: quia illi divites in verbis, sicut voluerunt, dixerunt; nos vero pauperes, ut possumus per angustias verborum tenuiter ea quæ volumus significamus. Et si illorum filii sumus, et ab eorum sensu et fide non erramus: quod in illis amatur, in nobis toleretur; atque is cui loquimur sensum attendat, nos verba, ut audiat consilium Apostoli dicens: *Noli verbis contendere. Et: Ne sit langnens circa questiones et pugnas verborum, ex quibus oriuntur invidiae, contentiones, blasphemie, suspicione malæ.*

B IX. Illud vero quod post verba doctorum verbis vestris subjunxit: « Ita igitur hoc uno modo apostoli et evangelistæ et totius divinæ Scripturæ interpretes, cum catholicis ejus expositoribus, ab imperiæ calumpnia rationabiliter defendi queunt. Nihil enim omnino contra regulam grammaticæ dixerunt, quod non ita aut ratio aliqua, aut causa mysterii dici exigeret. » Ab his verbis vestris multum celestiaci doctores dissonant. Exigitati nostræ videatur quod neque vos neque nos de hac re aliquid sentire aut dicere debemus, nisi ea quæ orthodoxos magistros sensisse aut dixisse legimus. Ista tamen inconcussa et firma auctoritas illorum auctorum est, per quos Spiritus sanctus Novi et Veteris Testamenti volumina confecit; de quibus nulli unquam homini licuit aut licet cogitare vel unam litteram aliter eos dicere debuisse quam dixerunt, quoniam eorum auctoritas firmior est cœlo ac terra, secundum quod Dominus ait: *Facilius est cœlum et terram transire, quam de lege unum apicem cadere.* Post hos quoque firma auctoritas est Septuaginta Interpretum, quos constat ante adventum Domini de Hebraico in Græcum eloquium Vetus Testamentum transtulisse. Interpretis quoque nostri Hieronymi presbyteri fidelis est editio, quæ de Hebraico in Latinum magnifice transtulit. Fuerunt præterea aliqui venerandi catholici interpretes Latini, qui Septuaginta editionem in Latinum transtulerunt eloquium. Extra hos itaque multi fuerunt interpretes reprehensibiles, et juste reprehensi; sicut illi famosissimi

NOTÆ.

Lupus Ferrarensis in epistola 34, et in libro de tribus quæstionibus, pag. 235.

interpretes judaizantes, et hæretici, • Aquila scilicet, et Theodotio, ac Symmachus; ex quibus unus fecit duas editiones inter se dissonantes. Fuerunt etiam Latini aliqui, quos Hieronymus presbyter reprehendit in illis utique præfationibus, quas præposuit libris quos de Græcis in Latinum aut transtulit, aut emendavit; sicut in illa præfatione quam juxta Græcam emendationem in libro beati Job fecit, asserens quod idem liber apud Latinos ita erat decuratus, conrosusque, ut fœditatem suam publice legentibus ostenderet. Sic etiam in aliis locis quosdam reprehendit interpretes.

X. Hæc de interpretibus idcirco ita dicimus, quia magistri speciales non omnes æqualiter receperunt, aut indifferenter laudaverunt, sicut vos facere videmini, neque omnibus æqualiter fidem adhibuerunt. De expositoribus quoque multo aliter quam vos dicitis, beatus Pater Augustinus tenendum tradidit: qui non solum de illis qui reprehensi sunt a doctoribus, etiam de probatissimis, in libro quem adversus Faustum Manicheum scripsit, ita dicit: « Quod genus litterarum, id est, expositionum, non cum credendi necessitate, sed cum judicandi libertate legendum est. Soli namque divinæ auctoritatis libri legendi sunt, non cum judicandi libertate, sed cum credendi necessitate. Quam formam Apostolus tradidit dicens: *Spiritus nolite extinguere, prophetias nolite spernere, omnia autem probate, quod bonum est tenete, ab omni specie mala abstинete vos.* In hoc loco apostolus Paulus prophetias dixit doctrinas et expositiones doctorum, sicut alibi insinuat dicens: *Prophetæ duæ aut tres dicant, et ceteri dijudicent* (I Cor. xiv, 29). Non illam prophetiam de qua apostolus Petrus ait: *Non enim voluntate humana allata est aliquando prophetia, sed Spiritu sancto inspirati locuti sunt sancti Dei homines.* »

XI. Hæc omnia idecirco dicimus, ut appareat quia quam injuste a vobis criminamur, cum dicitis nos reprehensores apostolorum et divinarum Scripturarum esse, tam injuste vel potius <sup>b</sup> multo injustius quoscunque interpretes atque expositores coequatis apostolis et evangelistis, cum Symmachum et Paulum et Dydimum et Joannem una defensione indiferentique laude dignos ducitis. Bonum est recordari verborum Domini, quibus ait: *Nonne si recte offeras, et non recte dijudicas peccasti?* Qui enim recte credit catholicam fidem, recte videtur offerre. Sed si quibuscunque doctoribus aut interpretibus cum apostolis et evangelistis æqualem venerationem tribuit, non recte dividit, atque ideo peccat.

XII. Post illa que superius dicta sunt verba nostra, addidisti dientes: « Turpe est enim credere Spiritum sanctum, qui omnium gentium linguas

A mentibus apostolorum infudit, rusticitatem potius per eos quam nobilitatem uniuscujusque linguae locutum esse. » Hæc qua intentione dixeritis, nullus eorum qui otiosa loqui timent, intelligent; nisi forte hoc etiam nobis crimen superadditis, quasi rusticitatis reprehendamus Spiritum sanctum. Quod si ita est, id est, tali intentione ista dicitis, quid ad hæc respondere possimus, nisi: Ipse occultorum cognitor, cordium testis, scrutator rerum, omnipotens Deus videat, et audiat. Extra hoc autem quod tale sacrilegium nobis impingere videmini, appetit etiam in his verbis vestris quod ita sentiatis de prophetis et apostolis, ut non solum sensum prædicationis, et modos vel argumenta dictionum Spiritus sanctus eis inspiraverit, sed etiam ipsa corporalia verba extinsecus in ora illorum ipse formaverit. Quod si ita sentitis, quanta absurditas sequetur quis dinumerare poterit? Et in primis quidem, ut caute scientiae vestre loquamur, recordamini quid Moyses Domino dicat, cum se excusatet ne ad Pharaonem mitteretur, assereas se gracilis esse vocis et impeditioris linguae. Cui Dominus nequaquam respondit, Mentiens; sed annuens obsecranti, ait: *Ecce Aaron frater tuus, scio quod eloquens sit: ipse erit propheta tuus: tu loqueris ad eum, et ille loquetur ad Pharaonem.* Attendite quia si secundum vos ipsa verba corporalia in ore Moysi sonantia ejus erant, et vox quæ sonabat, quare ergo gracilis vox? quare ergo impeditior sermo? Aaron erat propheta Moysi, Moyses propheta Dei. Quare ergo robustior vox et expeditior sermo in propheta Moysi quam in propheta Dei? Nunquid et hoc vitium, gravitatem scilicet vocis, et linguae impeditior spiritui sancto tribuetis? Restat ergo ut sicut ministerio angelico vox articulata formata est in ore asinæ, ita dicatis formari in ore prophetarum. Et tunc talis etiam absurditas sequetur, ut si tali modo verba et voces verborum accepterunt, sensum ignorarent. Sed absit talia deliramenta cogitare. Nos si de eloquentia Pauli apostoli aliquid diximus, verba Hieronymi doctoris possumus, quibus in quodam loco ait: « Qui putant Paulum juxta humilitatem, et non vere dixisse, *Et si imperitus sum sermone, non tamen scientia, defendant hujus loci consequentiam.* » Et iterum: « Si vero qui potest etiam juxta sermonis eloquia contextum docere Apostolum suis perfectum, et in artis grammaticæ vitia non incurrisse, ille potius auscultandus est. Nos quotiescumque solœcismos aut tale quid adnotamus, non Apostolum pulsamus, ut malivolii criminantur, sed magis Apostoli assertores sumus; quod Hebreus ex Hebreis absque rhetorici sermonis nitore, verborum compositione, et eloquii venustate, nunquam ad fidem Christi totum mundum translud-

#### NOTÆ.

Valesius in annotationibus ad Eusebium lib. v, cap. 8 Hist. Eccles.

<sup>b</sup> Multo injustius. Sic legi debere admonuit Massonius in erratis: prorsus bene. Nam in codice ms. diserte scriptum est, *multos injustos.*

#### BALUZII

• *Aquila.* Carolus Magnus in Capitulari de non adorandis imaginibus lib. i, cap. 43: « Nova post septuaginta interpretes, Theodotionem et Symmachum et Aquilam, sive etiam beatum Hieronymum, legis queratur translatio. » De Theodotione porro, quo etate virerit, videndum vir clariss. Henricus

cere valuisse, nisi evangelizasset eum non in sapientia verbi, sed in virtute Dei. » Qui etiam in præfationibus Isaiae, Jeremie et Ezechielis, quid de differentia locutionis prophetarum eorum dixerit, diligenter perpendite; et invenietis nobilitatem divini eloquii, non secundum vestram assertionem, more philosophorum, in tumore et pompa esse verborum, sed in virtute sententiarum, secundum quod ipse Apostolus ait: *Non enim in sermone est regnum Dei, sed in virtute.* <sup>a</sup> Isaías quoque propheta populum dicit esse alti sermonis, ita ut non possit intelligi disertitudo linguae ejus, in quo nulla est sapientia. Et Dominus ad Ezechielem dicit: *Non enim ad populum profundi sermonis et ignotæ linguae tu mittaris, quorum non possis audire sermonem.* Ex quibus patet nobilitatem sacræ Scripturæ, non secundum philosophos in disertitudine esse verborum, in quo nulla est sapientia, sed in potentia et astutia sensuum, atque virtute sententiarum; sicut Apostolus ostendit, dicens: *Arma militiae nostræ, non carnalia, sed potentia Dei ad destructionem munitionum, consilia destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi.* Et iterum: *Non enim misit me Christus baptizare, sed evangelizare, non in sapientia verbi, ut non evanescat crux Christi.* Et rursum post aliqua: *Et ego cum venissem ad vos, fratres, veni non per sublimitatem sermonis aut sapientie, annuntians vobis testimonium Christi.* Et iterum: *Sapientiam loquimur inter perfectos; sapientiam non hujus saeculi, neque principium hujus saeculi, qui destruuntur: sed loquimur Dei sapientiam in mysterio, quæ abscondita est.* Et post pauca: *Quæ et loquimur, non in doctis humanæ sapientie verbis, sed in doctrina spiritus.*

XIII. Ecce quia laus divinæ sapientie in sacris mysteriis et in doctrina spiritus invenitur, non in adinventionibus verborum. Vos sumpsistis testimonia beati Augustini multa de laude Scripturæ; sed non illo modo vos laudatis, quo laudavit Augustinus, aut Hieronymus, Ambrosius, atque Gregorius. Nam illi majestatem divinæ locutionis admirantes, sed rem ineffabilem fando non explicantes, oppressi gloria in laude ejus succubuerunt, cum magis admirando sufficerent, quam loquendo. Vos sic laudatis, ut laude vestra magis minoretur, quam augeatur: quoniam in his quæ extrinsecus sunt, dicitis nobilitatem linguarum ministrasse Apostolis Spiritum sanctum, ut confuse et indifferenter cum apostolis omnes interpretes et quoscunque expositores laudetis et defendatis. Nam si, secundum vos, omnibus auctoribus divinorum librorum exteriorem nobilitatem æqualiter ministravit Spiritus sanctus; quare unus Apostolus, id est Paulus, disertior invenitur in Hebraica lingua quam in Graeca, sicut prædictus Hieronymus in præfatione Epistolæ quæ ad Hebreos

A prætitulatur scribit, dicens: « *Non est sane mirum si eloquentior videatur in proprio, id est Hebreo, quam in peregrino. id est Graeco sermone, quo cæteræ Epistolæ sunt scriptæ.* » Ecce habes disertorem Paulum in una epistola quam in cæteris. Sed tamen ipse cæteræ epistolæ, licet in sermone minus ab illa aliquid habere videantur, tamen in arcanis sensibus, secretis mysteriis ac figuris locutionum, in quibus omnem sapientiam hujus mundi incomparabiliter superant, minoris virtutis non sunt.

XIV. Post multas et graves calumnias, quas nobis inflixistis, dicentes nos divinæ locutionis reprehensorum, defenditis bene vos dixisse, *Anima quando ad corpus pervenit;* et sumitis testimonia de Scripturis dicentes: *Spiritus redeat ad eum qui dedit illum* (Eccl. xii, 7). Et: *Revertatur anima pueri intra eum* (III Reg. xvii, 21). Quæ testimonia nullatenus congruent rei cui defendendæ adhibentur. Quis enim ignorat animam semel a Deo creatam, substantiam esse deinceps, et æternam, atque in sua substantia immortalem? ac per hoc, post solutionem corporis, posse ad eum redire justam, et deorum descendere injustam, et istra corpus reverti ad hanc vitam resuscitandam? Hæc de animabus a corporibus jam solutis fieri nullus ignorat. Sed nos hoc reprehendimus quod vos de animabus corporibus insundendis dixistis: *Anima quando ad corpus pervenit.* Quasi noveritis de qua regione adveniat, aut forsitan nostis in qua regione jaceat illa incognita materies, unde animas dicitis creari in vacuo, super quem aquilonem

C extensus est, aut in interioribus anstri, vel forsitan in ortu solis aut occasu, aut unde dicitis anima pervenire: utique inde pervenire possunt, ubi creantur, ut ad corpora transmittantur. Sed cum dicitis eas pervenire, non ipsis eas corporibus creatas creditis, sed longe alicubi. Et inquisivimus a vobis utrum in coelestibus an in aliqua parte mundi sit ipse locus, vel extra mundum. Sed de hoc sit ut vultis, tantum ut cujuscunque testimonium cum Augustino altercantis tanquam ejusdem Augustini non nobis opponatis. Nos tamen illud præcipue tenendum putamus, quod divina Scriptura de hac re docet, dicens: *Quonodo nescis quæ sit via spiritus, et qua ratione compingantur ossa in ventre pregnantis; sic nescis opera Dei, qui fabricator est omnium.* Ecclesiastici quoque doctores in suis dogmatibus fidem tenendam docuerunt, animam non esse partem divinæ substantie vel naturæ, nec esse eam prius quam corpori misceatur; sed tunc eam creari quanto et corpus creatur, cui admisceri videtur. Philosophorum sententiæ dicunt esse animam prius quam nascatur in corpore: quod verum esse nullis approbatur indicis: nam utrum ante suissemus, nec ipsi novimus, nec quis hominum dicat habemus. Non est ergo querendum quod querendum magis est irridendum.

#### BALUZII NOTÆ.

<sup>a</sup> *Isaias quoque propheta.* In ms. itemque in editione Massoni scriptum erat *Isaias quoque philosophus*, etc.

Itaque cum constaret vitium esse liberarii, non vere Agobardi, locum illum libere correxiimus.

**XV.** Deinde interrogasti nos, utrum aliud sit Deus, aliud veritas, ita ut Deus ipse veritas non sit. Hanc vestram interrogationem in tantum miramus, ut putemus vos illam jocando et ridendo dicatas. Quis audivit talem interrogationem? Nunquid si aliud aliquid veritas fuerit, jam Deus veritas non erit? Dicite vos, si ubicunque in sacris Scripturis veritas nominatur, semper Deus intelligendus est? Certe nos dicius frequenter in Scripturis nominari veritatem, quae contraria est mendacio; sicut etiam solet nominari charitas hominum, dilectio, quae contraria est odio, et concordia, que opposita est discordia. Ergo ubi Paulus ait: *Veritatem dico in Christo Jesu, non mentior, sic intelligitis, quasi diceret, Deum dico, aut Christum dico, in Christo Jesu.* Aut ubi ait: *Deponentes mendacium, loquimini veritatem unusquisque cum proximo suo, ipsum Deum intelligitis veritatem.* Et iterum, ubi scriptum est: *Rex qui judicat in veritate pauperes, thronus ejus in aeternum firmabitur.* Et iterum: *Labium veritatis firmum erit.* Et rursum: *Qui loquitur veritatem in corde suo.* In Jeremia quoque: *Omnis amicus fraudulenter incedet, et veritatem non loqueretur.* Et Osee: *Non est enim veritas, et non est justitia, et non est misericordia Dei in terra.* Et in Zacharia: *Veritatem et iudicium pacis judicate in portis vestris.* Nunquid sic intelligi poterit, quasi diceret, Deum judicare in portis vestris? Ecce habes in Scripturis frequenter dici veritatem, non pro ipso Deo, sed pro illa virtute quae opposita est injustitiae et falsitati. Attamen non sicut vos vultis, ut Deus ipse veritas nou sit, sed potius ut et Deus veritas sit.

**XVI.** Deinde vero cum vestris syllogismis affirmare nitimini, Christianos non fuisse omnes sanctos patriarchas et prophetas, reges et sacerdotes, in Veteri Testamento, dicentes nobis: « Si eos Christianos dicendo, eos esse affirmare vultis, multum est absurdum ut Christiani essent priusquam Christus. » Ecce quibus verbis negatis sanctos Veteris Testamenti Christianos fuisse. Sed multo pejus negatis illo tempore non esse Christum. Credite, venerabilis magister, quia si dixissetis: « Non dicebantur Christiani, parva forsitan esset blasphemia. Cum autem dicitis, *Non erant Christiani*, inuste tantam multitudinem sanctorum blasphematis. Simili etiam modo si de Domino Iesu Christo diceretis, « Necdum ab omnibus fidelibus manifeste vocabatur Christus, tolerabile esset. At cum dicitis, *Non erat Christus*, tam grandis blasphemiae est, ut non multum distet ab illa Pauli Samosateni praedicatione.

**XVII.** Deinde subjungitis, quasi exhortantes nos ac dicentes: « Sed quomodo nondum erat Christus? » Legitis librum supradicti beati Patris Augustini, capitulo 6, et ponitis ipsum capitulum, multo alium sensum continentem quam vos sentitis. In illo enim capitulo scriptum est: « Cum ergo Christi nomen ex eo illi sit quod scriptum est, *Unxit te Deus, Deus tuus oleo exultationis praे participibus tuis.* Unde ad

A id quod homo factus est, pertinet, id est, quod formam servi accipiens, habitu est inventus ut homo, qui utique habitus cœpit ex tempore: de ipso tamen eodemque Christo dictum est, cum in forma Dei esset. » Et post pauca: « Nondum ergo erat Christus quod esse cœpit, cum semetipsum exinanivit, non formam Dei amittens, sed formam servi accipiens. » Ecce verba beati Augustini, de quibus vos vultis affirmare Deum Verbum Christi nomen prius non habuisse quam caro factum est, cum e contrario Augustinus in prædicta sententia dicat: *De ipso tamen eodemque Christo dictum est: Cum in forma Dei esset.* Ecce habes Christum in forma Dei esse, deinde formam servi accepisse: quam utique antequam acciperet, nondum erat filius hominis, sed Filius Dei, tamen Christus. Iterum Augustinus dicit: « Nondum ergo erat Christus quod cœpit esse, cum semetipsum exinanivit. » Ecce et hic Christus dicitur, qui nondum erat hoc quod esse cœpit, cum semetipsum exinanivit, id est homo. Nam quid aliud esse cœpit, nisi homo, cum formam servi accepit? Certe Augustinus non ait: *Non erat Christus qui esse cœpit; sed, Non erat quod esse cœpit.*

**XVIII.** Nam si Christus ante Mariam non erat, quid est quod Apostolus ait: *Christus Jesus heri et hodie, ipse et in saecula (Hebr., XIII, 8)*? Si Christus non erat, et sancti Veteris Testamenti non erant Christiani; quare iterum Apostolus dicit: *Memores estote quod aitquando vos gentes in carne, qui dicimini praeputium, ab ea quae dicitur circumcisio in carne, manu facta; quia eratis illo tempore sine Christo, alienati a conversatione Israel, et hospites testamento-rum, promissionis spem non habentes, et sine Deo in mundo (Ephes. II, 11, 12).* Ecce Apostolus docet gentes sine Christo fuisse illo tempore, quando promissionis spem habebat Israel. Et quid est dicere: *Erat sine Christo, alienati a conversatione Israel*, nisi oblique demonstrare, non fuisse sine Christo Israel tempore promissionis? Si Christus non erat, neque Christiani; cur idem Apostolus de Moyse dicit: *Negavit se esse filium filie Pharaonis, magis eligens affligi cum populo Dei, quam temporalis peccati habere jocunditatem; majores divitias astimans thesauro Ægyptiorum, improprium Christi. Aspiciebat enim in remunerationem (Hebr. XI, 24, 25).* Si sub lege positi Christum et boni non coluerunt, et mali non tentaverunt, cur iterum dicit de colentibus eum: *Bibebant de spiritali consequenti eos petra. Petra autem erat Christus. De tentantibus vero: Neque tentemus Christum, sicut quidam eorum tentaverunt, et a serpentibus perierunt.* Nam ut noveritis sub lege non solum Christianos, sed etiam filios Christi fuisse, audite iterum Apostolum: *Decebat enim, inquit, eum propter quem omnia, et per quem omnia, qui multos filios in gloriam adduxerat, auctorem salutis eorum per passiones consummari.* Anna mater Samuelis orans in templo dicit: *Dominus jugicabit fines terræ, et dabit imperium regi suo, et sublimabit cornu Christi sui.* Et hoc et in illo tempore

quo neclum erat rex in Israel, et antequam ungeretur vel etiam nasceretur Saul, quem dignum elegistis ad negandos Christianos. De David scriptum est : *Dixit vir, cui constitutum est de Christo Dei Jacob, egregius psalmista Israel.* Ipse David ait : *Magnificans salutes regis ejus, et faciens misericordiam Christo suo.* Eman quoque ait : *Tu vero repulisti et despexit, distulisti Christum tuum.* Habacuc dicit : *Egressus es in salute populi tui, in salute cum Christo tuo.* Jeremias deplorat dicens : *Spiritus oris nostri Christus Dominus captus est in peccatis nostris.*

XIX. Deinde subjungitis, dicentes : « Non ergo omnis chrismate unctionis, Christianus dicendus est. Potius enim illi Christi quam Christiani dicebantur, ut illud in Psalmis : *Nolite tangere christos meos.* » In his verbis vestris negatis unctiones, id est, reges et pontifices, fuisse Christianos; et ponitis testimonium psalmi, quod non de pontificibus, aut regibus, sed tantum de patriarchis, Abraham scilicet, Isaac, et Jacob, Scriptura dicit : *Ipsi enim transierunt de gente in gentem, et de regno ad populum alterum,* id est de Chaldaea in Mesopotamiam, deinde in terram Chanaan, et Aegyptum, ac rursum in Gerare. Pro ipsis correpti sunt reges, Abimelech scilicet, Pharaoh Hemon, et Sichem, et alii. Super ipsis praecepit Dominus, *Nolite tangere christos meos,* dicens non tam verbis, quam certitudine defensionis. Ecce habetis christos dictos patriarchas, quos nulla omnino corporali unctione probare poteritis fuisse unctiones. Unde ergo christi, si non unctioni? Quia dicitis, *Ergo illi erant ab unctione multi christi,* cum nunquam legatis vel plures simul fuisse reges, nec duo simul pontifices illo tempore. Nam quod reges et pontifices ungebantur, non aliter, nisi uno decadente, unus succedens ungebatur in figura unius veri Christi : et hi quidem dicebantur christi.

XX. Sed nos de patriarchis interrogamus, quomodo eos creditis sine visibili chrismate, absque aqua baptismatis, sed unctiones invisibili tantum et spirituali chrismate? Similiter in Veteri Testamento, non solum omnes sanctos patriarchas, sed et multos etiam in gentilitate positos credimus invisibili chrismate unctiones; per quam unctionem membra Christi et unum corpus cum omnibus ad aeternam vitam pre-

## BALUZII

<sup>a</sup> *Potati sumus.* Locus est Pauli ex epistola prima ad Corinthios. Et in contextu Pauli (prout etiam laudat Agobardus in capite 37 libri adversus Felicem, et in cap. 7 libri de Modo Regiminis Ecclesiastici, itemque in capite 7 Sermonis Exhortatorii ad plebem) legitur, *et omnes in uno Spiritu potati sumus.* In codice tamen regio, et in editione Massoni, legitur, *et omnes in uno Spiritu baptizati sumus:* quod mutari debere visum est. Nam paulo post Agobardus, replicans locum illum, ac petens quinam potus sit ille, ait : *uno Spiritu potati sumus.*

<sup>b</sup> *Multi martyres.* Sentiebat ergo Agobardus, eos qui pro nomine Christi contumeliam mortis passi erant, recta in coelum ferri, tamenetsi baptizati non fuissent. Eadem fuit sententia vetusti scriptoris libri de Singularitate Clericorum, qui vulgo tribui solet Cypriano. « Ideo enim martyrium, inquit, appellatur tam corona quam baptismus, quia baptizat pariter ei coronat. » Item Alcuini in Confessione fidei

A destinatis fierent. Unde et Apostolus, cum enumerasset omnia dona gratiarum quae per Spiritum sanctum tam Veteris Testamenti fidelibus quam Novi distributa sunt, subjunxit : *Sicut enim corpus unum est, et membra habet multa, omnia autem membra corporis cum sint multa, unum corpus sunt; ita et Christus.* Etenim in uno spiritu omnes in unum corpus baptizati sumus, sive Iudei, sive gentiles, sive servi, sive liberi, et omnes in uno Spiritu a potati sumus. Hoc Spiritu uncti sunt patriarchae, hoc <sup>b</sup> multi martyres, qui sine baptismate corporali ad vitam aeternam transierunt. Qui omnes quomodo unum corpus baptizati sunt, patriarchae scilicet et martyres, cum ceteris fidelibus Veteris et Novi Testamenti, et in uno spiritu, audi iterum eudem Apostolum dicentem : *Nolo enim vos ignorare, fratres, quoniam patres nostri omnes sub nube fuerunt, et omnes per mare transierunt, et omnes in Moyse baptizati sunt, in nube et in mari, et omnes eamdem escam spiritalem manducauerunt, et omnes eundem potum spiritalem biberunt.* Quem potum? Illum quem in superiori sententia praemisit, *uno spiritu potati sumus:* et quam escam spiritalem, nisi participationem corporis Christi? Denique Apostolus dicit : *Omnies enim vos unum estis in Christo Jesu. Si autem vos Christi, ergo Abraham semen estis.* Et vos dicitis, quia Abraham non fuit Christianus, cum nos Christiani esse non possimus, nisi efficiamur semen Abrahae? Apostolus dicit : *Abrahæ dictæ sunt promissiones, et semini ejus, qui est Christus.* Et vos dicitis Abraham fuisse sine Christo. Apostolus ait : *Igitur qui ex fide sunt, benedicentur cum fidei Abraham.* Et iterum : *Christus nos redemit de maledicto legis, factus pro nobis maledictum, ut in gentibus benedictio Abrahæ fieret in Christo Jesu, ut pollicitationem Spiritus accipiamus per fidem.* Et vos dicitis tam diversa benedictione Abraham et nos benedictos, etiam diverso spiritu unctiones, ut ille Christus potuerit esse, non Christianus, nosque Christiani possimus esse, non Christus.

XXI. Apostolus dicit quia Deus Pater omnipotens omnia subiecti sub pedibus Filii sui Domini Jesu Christi, et ipsum dedit caput super omnem Ecclesiam, quae est corpus ipsius, et plenitudo ejus qui omnia

## NOTÆ.

D lib. III, c. 28 : « Nullum autem catechumenum, quamvis in bonis operibus defunctum, vitam habere aeternam dicimus; excepto martyrio, ubi tota baptismi sacramenta compleuntur. Sanguine enim, vel igne, vel poenis aliis baptizantur confessores, » Vetus quoque scriptor supra laudatus, atque hactenus ineditus, in Confessione fidei. « Nullum catechumenum, quamvis in bonis operibus defunctum, vitam aeternam habere credamus; excepto martyrio, ubi tota baptismi sacramenta compleuntur. Baptizandus confitetur fidem suam coram sacerdote, et interrogatus respondeat. Hoc et martyr coram persecutore facit, qui et confitetur fidem, et interrogatus respondeat. Ille post confessionem vel aspergitur aqua, vel tingitur; et hic vel aspergitur sanguine, vel tingitur igne. Ille manus impositione pontificis accipit Spiritum sanctum, hic habitaculum efficitur Spiritus sancti. »

*in omnibus adimpletur. Et iterum: Ipse est enim pax nostra, qui fecit utraque unum, et medium parietem macerice, solvens inimicitiam in carne sua, legem mandatorum decretis evacuans, ut duos condat in semetipsum in unum novum hominem, faciens pacem, et reconcilians ambos in uno corpore Deo per crucem, interficiens inimicitiam in semetipso. Et veniens evangelizavit pacem vobis qui longe fuistis, et pacem his qui prope; quoniam per ipsum habemus accessum ambo in uno spiritu ad Patrem. Ergo jam non estis hospites et advenae, sed estis cives sanctorum, et domestici Dei, superaedificati super fundamentum apostolorum et prophetarum, ipso summo angulari lapide Christo Jesu, in quo aedificatio constructa crescit in templum sanctum in Domino, in quo et vos coadificamini in habitaculum Dei in Spiritu sancto. Et quare hanc Ecclesiam, hoc corpus, quod est plenitudo capitii, hoc unum, quod ex utraque fecit, hos conditos in semetipso, hos ambos reconciliatos in uno corpore Deo per crucem, hanc aedificationem constructam, hoc templum sanctum in Domino, hoc habitaculum Dei in spiritu, vultis ita dividere, ut aliud illi fuerint, aliud nos simus? Quid ergo prosuit quod per caput habemus accessum ambo in uno spiritu ad Patrem, si nullam communionem habet radix olivæ cum oleastro sibi inserto? Tribus Ruben, et tribus Gad, ac dimidia tribus Manasse, propterea construxerunt altare ultra Jordanem, quia jam timebant vos, ne diceretis illis, cum Jordanem transissent: Non pertinetis ad nos, non estis Christiani, sine Christo estis; quia necdum erat Christus. Nihil omnino differt aliud inter illos et nos, nisi quia sacramenta salutis quæ per mediatorem operata sunt propter nos et propter illos, nos salvant præterita, illos futura, quia quæ nos credimus et tenemus præterita, illi crediderunt ac tenuerunt futura; et illi in sola conscientia et figuris futurorum, nos etiam in publica professione, votis et annuntiatione præteriorum rerum cum significazione tractabilium sacramentorum; sicut et illi duo qui unum botrum in falango portabant, unum opus faciebant indifferenter, nisi quia eundem botrum, unus post dorsum, alter ante faciem habebant; sicut et illi qui præcedentes, et sequentes, Domino intranti Hierusalem clamat Osanna.*

## BALUZII NOTÆ.

\* *Non estis Christiani. Hic Fredegisum graviter resellit Agobardus, quod dixerit patriarchas Veteris Testamenti non fuisse Christianos. Et consentaneos habet Agobardus Justinum martyrem et Augustinum,*

A XXII. Si quis autem ad hæc objiciendum putaverit illud, quod in Isaia, vel in Apocalypsi, nomen novum dicatur, quod procul dubio Christianum intelligitur; sciat sanctos doctores ita intellexisse, ut novum dicatur, propterea quia nuper dispersum, non quia nuper inventum; ac per hoc non novella vel nuper exorta est Christianorum religio, sed ab ipsa mundi origine descendens, eodem Christo doctore et instutore. Nam inde ab initio speciem formamque suspiciens. Porro de unitate fidelium Veteris ac Novi Testamenti beatus Hieronymus dicit: « Quo modo enim omnes in protoplasto Adam necdum nati moriuntur; ita omnes, etiam hi qui ante adventum Christi nati sunt, in secundo Adam vivificantur: atque ita sit ut et nos legi servierimus in patribus, et illi gratia salventur in filiis. » Iste intellectus Ecclesiæ catholice convenit, que Veteris et Novi Testamenti unam asserit providentiam, nec distinguit in tempore quos conditione sociavit. Omnes aedificatisimus super fundamentum apostolorum et prophetarum, continent nos angulari lapide Jesu Christo Domino nostro, qui fecit utraque unum, et medium parietem dissipans, inimicitiam utriusque populi in sua carne destruxit, et antiquæ legis difficultatem evangelicorum dogmatum integritate mutavit. Vere in Christo unus panis sumus, et duo consensimus super terram; et quomodo nos super prophetas fundati sumus, ita et patriarchæ jam apostolorum fundamine constiterunt. De Domino quoque Jesu Christo prædictus doctor ait: « Postquam ob nostram salutem de Virginis utero dignatus est nasci, Dei et hominum homo Christus Jesus sequester est dictus. » Antequam vero hominum corpus assumeret, et esset apud Patrem et omnes sanctos quos Scriptura commemorat, sine additamento hominis, quem necdum assumpserat, mediator tantummodo nuncupatur. Ipse quippe pretioso sanguine suo et nos et illos, patriarchas scilicet et prophetas, de maledicto legis redemit. Omnes enim ex fide Christi justificati sunt. Siquidem Abraham vidit diem Christi, et lætatus est; et Moyses majores divitias estimavit thesauro Ægyptiorum, improprium Christi. Aspiciebat enim in remunerationem.

D quos laudat Baronius in initio Apparatus ad Annales Ecclesiasticos. Vide librum adversus Amalarium cap. 15.

## EPISTOLA AD PROCERES PALATII

## CONTRA PRÆCEPTUM IMPIUM DE BAPTISMO JUDAICORUM MANCIPIORUM.

*Dominis et sanctissimis, beatissimis, viris illustri-*

## BALUZII NOTÆ.

\* *Hilduino sacri palatii antistiti, id est, archica-*

*bus* \*, Hilduino sacri palatii antistiti [Al., archica-

*præcepto Ludovici Pii pro Hildebaldo episcopo Ma-*

*tisconensi, quod exstat in bibliotheca Cluniacensi.*